

定山堂詩集

定山堂詩集卷十八

七言律詩三

一百一十二首

元日社集

三首

五日飲秀公兄樓頭

六日飲孝積弟新居

人日集石疏齋中

八日郊行兼哭伯父雍麓公

試燈日社集寓樓用石疏扇頭花月山堂

韻

春晝小飲寓樓同清瑟石疏分韻

春日行園

留別燕友

留別秦虞桓

宿石疏畫硯齋

二首

飲木公兄般圃用石疏壁間韻

二首

至白下卞楚玉招飲方子唯園亭

二首

桃葉渡雨舫同與治子翦分韻

暮春集于唯園亭酬贈

三首

遙和巖子園居

遙和巖子觀劇

二首

秦淮小泛同于皇清瑟

鮑子曼殊招同子唯孟新楚玉欽我泛舟卽

事

二首

和于皇見贈之作

二首

秦淮社集白孟新有詩紀事和韻

四首

出關卽事和巖子

登潮音閣和巖子

登燕子磯和巖子

和巖子邗江有感

贈周憲使櫟園

四首

壽張燕筑

寄題春雨草堂

三首爲宮紫陽

友人索賦新柳詩因和宋其武韻

送唐祖命南歸

二首

過祖命舟中再疊前韻

贈別唐髯孫

三首

賦謝劉藥生使君

二首

劉僅三同愚公招游水月菴復飲栢菴草堂

又和愚公見贈

二首

贈丁野鶴

四首

題孫大宣想園圖

三首

秋夜社集栢菴草堂

栢菴限韻爲張詞臣賦

酬藥生使君九日遣吏人送酒兼憶同社諸

子

寄懷孝威

重九前一日雨中社集同蒼舒清瑟達旨

又贈林蒼舒同年

重九後一日姜如農招同羅詡菴曹惕乾園

亭讌集限纏字韻

二首

如農將返真州以詩見貽和答

二首

和答吳陵諸同社贈別

四首

和答夏圻父卽送之海陵

二首

周臺公招同清瑟楚玉文漪游竹林寺與箬

菴上人清談竟日始歸

同達旨楚玉清瑟文漪登鍊山絕頂

偕善持君至山半西來精舍同賦

劉藥生自吳陵守擢潁川觀察

二首

丹陽舟中值顓赤方是夜復別去紀贈

四首

如須邀同秋岳顓候赤方半塘舟中限韻

二首

人日和少陵同秋岳賦

初春集陳閣如新齋卽席同朱雲子望子家

仲孝緒限韻

穀日雲子以新詩見贈再疊前韻

三疊前韻答望子

道公招飲虎丘以百史壁間韻索和歸來薄
醉率爾成篇正使百史見之當笑狂奴故
態也

元夕風雨雲子貽詩見懷四疊前韻奉答

五疊前韻贈雲子

和答道公見贈之什

再用前韻酬道公兼懷百史

道公訂同秋岳過山中雨阻不果以詩見訊
依韻和答

雨中泛舟看花因至道公方丈仍用前韻

白椎菴看梅兼贈關主聞照上人

秋岳湖上見待踰期少日輒有寄訊之作相

見垂示和答四章

西湖泛舟卽事 二首

定山堂詩集卷十八

姪嘉稽

淮南龔鼎孳孝升著

男士積今較

弟鼎錡孝積訂

士碁

七言律詩三

順治丁亥以後存藁

元日社集

春雪初消綠滿谿晴煙搖曳畫簾西舊家久誤堂
前燕弱采爭憐鏡裏雞簫鼓曉隨花屐動蘼蕪青
約燒痕齊願從太史占雲物桑柘成陰虎罷啼

定山堂詩集

七言律詩

卷十八

其二

入望蒼煙起白楊當年金粉艷雕墻何人建纛雄
哮虎亂日除書抵爛羊月過石欄迷畫戟風酸鄰
草記珠璫春樽合讓狂奴醉愁盡鄉雲隔太行

其三

幾載關河問鯉魚故人相見勝奇書應劉入座爭
當駟董賈逢時讓收豬過鴈曾知遊子恨拂龜難
定楚臣居山中芝朮春應長豈有黃金辟管鋤

五日飲秀公兄樓頭

遊倦難消蕢酒裘醉眠人自理春愁青莎路滑看
調馬白石歌成好飯牛煙月竟迷江總宅鄉園猶
怯仲宣樓烏衣塵尾還相望爭剪珊瑚掛玉鉤

六日飲孝積弟新居

春市蕭條野陌通城陰今日又東風遙知芳杜生
江國漸有啼鶯出舊叢詞客臨觴吟白苧畫樓夾
道試青驄荆花棣萼深憐惜腸斷天涯草色中

人日集石疏齋中

對掃蓬蒿暫卜鄰蕭條數子咏芳辰杜陵最愛題

詩日許允能憐我輩人
燭鉢響成雙折展江山春
到一霑巾隱囊紈扇還乘興
前渡花開好問津

八日郊行兼哭伯父雍篋公

晴郊坦步共行歌
村舍蕭疎雀可羅
落日林塘迴玉勒
春田苔蘚出金戈
灌園自老西山蕨
問世難逢北里丞
扣策過車憔悴甚
新愁一夕長煙莎

試燈日社集寓樓用石疏扇頭花月山堂二韻

春到明霞散十洲
鐃簫忽破鹿柴幽
客携鏤管來

高座人似銀燈滿畫樓十四年歌重入夢三千里
月此當頭開元弟子情多少一片江南玉樹愁

其二

名姓旗亭問酒家雙鬟曾捧鬪茗華掌中蠟炬星
河沸天半檀槽夕漏賒風過定憐隋苑柳春寒莫
上杜陵花酒狂竟忍滄桑語夜夜看人醉九霞

春晝小飲寓樓同清瑟石疏分韻

長日薰香撥鳳絃樓高愁到哭花鵲孔樽雜坐人
千仞潘鬢深棲老一年鶯過六朝啼似夢草將十

里碧如煙凭闌何限蒼茫意故托傷春一泫然

春日行園

短梧疎竹自成林逸興還容醉客尋晚照空城迷
近遠春愁殘鬢怯登臨淚銷鼓角花應識夢到簾
鉤草易深肯爲夜遊辭秉燭野雲難覓故山岑

留別燕友

門外驪駒卽各天春波吹度木蘭船病逢遠別難
辭酒衣戀重陰未改綿蝶夢易迷三月草烏啼可
記五侯煙暮雲橫笛愁如許莫道龍標不似前

留別秦虞桓

輕風忽起子規天
綠遍蘼蕪上巳船
玉案情多翻白雪
香泥恨重濕紅綿
油車漸近江城柳
春袖遙籠畫閣煙
徐淑秦嘉都絕世
一雙花錦酒壚前

宿石疏齋硯齋

冉冉簾陰阻杖藜
柳風花雨滿前谿
籤盈丹笈仍香雪

石疏尊人中公
公有香雪菴集

巢攷烏衣又錦泥
四海斷蓬

交乃見十年春夢事
難稽遊情自不成
駘蕩擬買

青山傍屋西

其二

高齋芸桂待燃藜乘興王猷到剡谿芳草平橋開
酒幔海棠過雨濕香泥楊邊塵欲開江左禊後人
如集會稽時爲三月四日銀燭不嫌花睡短陽關一曲客
將西

飲木公兄般圃用石疏壁間韻

東風花展滿芳臯樽酒茅堂客易豪栗里田園三
徑沒幼輿丘壑一身高柳遮曲檻低新月水拍春
竿長夜濤誰報愁霖還滯客也防別賦惱江毫

其二

蕭蕭逸興寄東臯湖海元龍氣自豪白氎夢中萍
又聚青山亂後枕偏高鶯花繞座題空谷鴻雪傷
心咽逝濤叢水輞川吾便老雲霄車馬等秋毫

至白下卞楚玉招飲方子唯園亭

六朝煙雨護茆柴韋杜城南致自佳砌草將連浮
白座林花初濕踏青鞵三山蒼翠低橫檻萬箇琅
玕綠到齋日暮倚風春轉薄不妨輕綴辟寒釵

時闌

人亦赴巖
子之招

其二

朱欄長似鬱金薰
衣袖香多不易聞
鳩妬冶遊頻

喚雨鳳遙人代竟爲雲

鳳臺在鳳凰臺麓

繞庭紅影迷三月

入座清狂咏五君
痛飲那須愁醉尉
玉山傾倒正

論文

桃葉渡雨舫同與治子翥分韻

草痕青欲上蘭橈
古渡平添一尺潮
六代畫圖留舊雨
百年風雨如今宵
銀紗障燭重開社
垂柳遮人晚過橋
爭道玳梁棲海燕
冶城樓閣罷吹蕭

暮春集子唯園亭酬贈

相逢何意落花邊不記曾經天寶年
江左衣冠同逝水舊家亭沼尚平泉
子雲楊已橫玄草摩詰詩能貯輞川
金粟再來香作國隔牆風度瓦官蓮

其二

南國才名比夜光西園燈火照飛觴
桃根我欲題花隱竹下君當恕酒狂
愛客盡開雲母館饒春自領露華粧
深林過雨遊絲靜想像虛堂五月涼

其三

河山已邈淚痕新難忘新豐舊賤貧玉鏡有絲牽
月窟冰瞳剪水向風塵敢云吾道千秋合竟許交
情兩世親失路感恩悲喜集扁舟載得一心人

遙和巖子園居

蘭亭春暮集羣賢清讌宜歌相府蓮把臂日淹林
下屐隔波人似畫中船巾衫掩映同高會煙雨空
濛亦勝緣更喜酒狂扶醉後十三行墮雒神篇

遙和巖子觀劇二首

綺筵何惜轄投陳無忌功名盡飲醇供奉譜翻紅

藥苑昭容簾立夜珠人粉香沸月花間社簫鼓迴
風畫裏身檻柳不知離亂事冷看歌舞又兼旬

其二

水邊夕照滿疎篁紅板橋頭路已荒歌放竹枝頻
勸酒鳴啼楊柳一薰香愁深盡日看紈扇春去無
聊選醉鄉心折玉臺明月下彩毫夜夜響宮商

秦淮小泛同干皇清瑟

又向秦淮問楚風長安人影碧波中

壬午歲與干皇相遇京邸

酒徒已逐荆卿散客路惟工阮籍窮畫閣遠山隨

意看歡場明月勸君同

于皇以道遠
欲先歸也

迴舟半是笙

歌地醉倚青燈數落紅

鮑子曼殊招同子唯孟新楚玉欽我泛舟卽

事二首

春歸眠柳倚煙斜瘦盡朱欄十萬家繫舫晚沽孫
楚酒隔簾風響玉川茶何來杜宇啼紅樹不分靖
艇近綠紗避世清言存晉魏人間竟有武陵花

其二

鈴索聲中醉飽曾清流今尚休甘陵爭傳鸚鵡題

高座不見狐狸嘯夜燈落日槩催金翟淚畫樓人
漾玉山層十年春夢消煙水青眼逢時竟不能

和于皇見贈之作

君居白下門長杜我到青山事已非舊雨忽逢猶
蝶夢斜陽無語又烏衣酒因客散酸燕市劍惜讐
亡冷飲飛故態蓬蒿狂復爾輸他薄倖盡輕肥

其二

喻麋磨老吊千春洛魄文章竟有神飛絮應憐江
總鬢看花莫負少陵身論交金馬人情異閱世銅

駝草色新山水果佳貧亦得倦遊與子共沉淪

秦淮社集白孟新有詩紀事和韻四首

放船煙水色蒼然盡謝朱門酒肉羶落日鳳臺邀
李白離宮花語泣伶玄十年蘭艾天難問諸子膺
滂事可憐虎豹于今儘蕭索吞聲還似九關前

其二

中原同調漸寥寥痛哭題書續大招桂剪北山干
古憤鶴歸橫海一身遙武安客散無行酒長樂花
深有負樵顧影歡場淒冷極年來雙鬢朔風凋

其三

窮途回首盡風波，此日臨流足嘯歌。
北寺星霜森勁草，桐江人代渺煙蓑。
紅銷鵲舌春前夢，碧浸蝦鬚雨後波。
水殿雲廊荆棘遍，景陽誰記月明多。

其四

次公禮法醉全寬，岸幘高吟一水寒。
亂後江聲仍北固，座中人影半南冠。
自傷鉤黨名曾噪，頗怪坑儒策未完。
狎客冰消三閣燼，却留奇字滿琅玕。

出關卽事和巖子

青谿煙柳滿前灣人度重城似玉關

時門禁甚嚴

書畫

舫因形管重雨風天放酒徒閒雙飛鴻影千林杳
一號鴟癘萬事刪爲倩六朝金粉手開簾約略鏡

中山

登潮音閣和巖子

上方鐘鼓界人天絕壁高涵萬壑煙建業草連春
後碧維摩花現景中緣雲搖石骨難橫屐雨過龍
腥略辨船身與飛鴻爭上下可容目送更揮絃

登燕子磯和巖子

練光平起眈梁樓佳話重思謝客題何代江山森
虎踞有情煙柳遍鵲啼樓臺不隔長干照城闕誰
封谷口泥望裏烏衣巢半改女墻飛絮壓空閨

和巖子邗江有感

歌吹竹西都是夢酒杯還許照花枝靈均幾續招
魂淚毀脚虛傳持檄詩愁憶翠鈿紛去國遙憐紅
粉送分司玉鉤斜外流煙冷何限魚龍飽棄脂

贈周憲使櫟園四首

亂後初班伍舉荆平生元禮自高名萬家月穩瑤

簫夢一路花籠驄馬行、牙戟客過朝問字玉鉤香
定夜調笙圖書繞榻人如畫逸興蕭蕭竹樹清

其二

擁騎鳴笳廿四橋風流不異在煙霄東籬襟抱追

元亮南國聲華稱小喬

樂園有姬人善月青

墨暈曉看彈麝

粉丹霞夜與護龍綃登仙一艇橫明月玉鏡臺前

照六朝

其三

鐵壁中流峙萬尋當年磊落表華簪生逢豺虎排

賢俊坐見魚龍沸陸沉采藥偶乖雲岫志借籌終
信圯橋心江南狎客淪亡盡七尺嶽嶠又自今

其四

年少功名長外臺江淮節鉞海天開高樓不隔征
西興緩帶全徵督護才魚鳥性知親召杜麒麟天
許畫鄒枚卽今遮道留行騎孔座還容野客陪

壽張燕筑

太平誰致亂誰爲花月開元剩此時老愛五陵游
俠傳天留六代管絃師禪牀拍板層層換詞客名

妹歷歷知過眼滄桑人健在商山更卜採芝期

寄題春雨草堂

爲宮紫陽

空林煙景日蕭蕭丘壑于今道未消城外畫圖城裏屋柳邊溪水竹邊橋風清北牖橫藜榻月出南山理豆苗漁父似忘興廢事垂綸閒送隔江潮

其武

其二

北山猿鶴愛相招往事愁多付逝潮亂後著書先閉戶門前種樹老過橋浣花地尚嫌羈旅孤竹人

今飽牧樵濁酒離騷幽興足看他車馬亦無聊

和陳

江夢

其三

菰蘆煙水似江南亭榭參差碧可函子驥家風仍
短褐左徒身世一湘潭人歸樵徑逢深雨鳥度城
陰送遠嵐蒲柳曲江魂斷後故山松桂是優曇

和余

心流

友人索賦新柳詩因和宋其武韻

靡蕪香散綠楊天花外珠樓雨外船傾國腰肢何

嫋嫋贈人離別又年年消魂玉笛吹難盡薄命春
風影自憐惆悵永豐名盛口一枝曾譜入宮絃

送唐祖命南歸

鬢影衣香不可留竟携好月返林丘名高鄴下爭
推賦酒熟成都又倦游江草夢連雙槳路藕花風
送五湖秋還家莫更憐三匝聞道桃林欲放牛

其二

窮塗星聚且淹留百尺人甘老一丘細雨斜風江
上別玉簫團扇鏡中游子規共忍千山血鷓鴣曾

傷衆草秋去又銀河遙極目鵲橋兩畔是牽牛

過祖舍舟中再疊前韻

芳樹城陰勸客留開樽人似對浮丘相逢何世客
高臥不爲無家賦遊雲母屏前花正艷鬱金香
外月將秋南宮韻事充書舫肯遣銀鉤誤墨牛

贈別唐晉孫

擊筑歌殘對引觴蕭條清興滿西堂少年司馬遊
仍壯亂日陶家徑易荒花外登臨紛客路人間風
雨一河寒錦瑟玉案多情甚莫忘旗亭典鸛鵲

其二

慷慨將離復命觴
牽衣撾鼓續漁陽
客中芳草殊難贈
醉後狂言各未忘
風滿蒹葭聞獨嘯
秋深蟋蟀想連牀
眼中詞苑推才子
老我旌旗漸不揚

其三

芙蓉夾岸欲驚秋
吟滿關山興未酬
天下誰爲庾信宅
月中憶爾謝公樓
蓬蒿閉戶消孤憤
湖海看人起壯游
內史風流標絕勝
還憐大令渡江舟

時同

其尊人
歸寧陵

賦謝劉藥生使君二首

水壺迴立映朱絲丹竈還依桂樹枝青鏤管唯才子得絳紗帳許後生窺何來終賈工爲吏親見應徐與奏詩金馬舊遊情不淺蓬萊雲氣護褰帷

其二

步屨閒棲花柳村幽居頻枉使君軒千家流水動城郭一片古香吹杜蓀渤海治宜高第人立成家
有賜書存庾樓明月平原酒韻極文園犢鼻褌

劉僅三同愚公招游水月菴復飲栢菴草堂

連壁清姿冠一時茶瓜相對改芳卮孝標書史平生癖栗里田園醉後詩石戶夜深聞梵入沙鷗眠
穩見人疑漢陰抱甕桐江釣笑看浮名管樂垂

其二

十年烽火照煙波漸喜雲山長薜蘿卞令忠貞宜
有後陸家才藻不嫌多窮塗歲月埋三雅天意微
茫問九歌猶羨登臨清詠發風流日日播羊何

又和愚公見贈

子虛竟恨不同時哭罷銅駝對酒卮短筑夜寒燕

市髮開元人老落花詩卽今栗里心相保回首劉
蕡事尚疑笑看墨莊雲護處名山有史等身垂

其二

鹿柴門徑倚清波隔院疎鐘過女蘿共道王裒辭
聘久誰憐宋玉感秋多幽居好著潛夫論家學猶
傳正氣歌爛熳飲醇聊代泣疎星莫問夜如何

贈丁野鶴

奇人端爲草玄留魯壁歸然富九丘波浪尙鳴虹
劍憤江天誰縱羽衣游林深對燭常過雨雁到縫

衣好耐秋埋，照并期名姓。隱恐教關吏，識青牛。

其二

魚盡無妨幸，舍留相過日。日問糟丘已，消鷗夢千。
秋事更續龍門萬里游，歌喚奈何江笛曉。人將歸
去海雲秋，西薇東菊曾無恙。冷眼功名起飯牛。

其三

江山如此恨人留，痛哭書焚向古丘。

野鶴素余舊
時疏草出讀

悲慨
係之

熱血空憐霜草碧，遺民今見竹林游。垂楊裊

裊能愁客，彼黍離離又報秋。避世不如忘世逸，逍

遙神解失金牛

其四

有感王子房中丞往事

箕尾人歸不可留，飄零河嶽付山丘。
雲中鐵馬開生面，夢裏金門憶舊遊。
橫槊肝腸如此水，招魂風雨冷于秋。
憑君更續英雄淚，遺恨風烟散木牛。

題孫大宣想園圖

奇情不受壑丘拘，決策移山事豈愚。
竟有煙霞生寂寞，欲如人代改斯須。
橫谿艇合隨鷗出，繞屋風將選屐趨。
金谷平泉蕭瑟盡，幽棲掠得景中逋。

和陳

涉江

其二

某丘某水繫遙思
標映林風物外姿
隋苑夢殘花月路
杜陵天與草堂時
樹猶如此愁宣武
菊不依人老義熙
玩世酒徒同倒載
采山先采習家池

其武

宋和

其三

招隱無勞賦左思
臥遊景物恣清奇
柴門煙月仍千古
江左樓臺彼一時
松許著書偕晚歲
蘭防當

戶發深悲、藜牀蕨飯情何限、不盡藍田書裏詩、

陳和

六階

秋夜社集栢菴草堂

山藤澗草古香侵、幽客招邀試入林、六代月高如此夜、一聲鶻滿奈何心、茝蘭結珮秋相賞、蟋蟀憐人晚、自吟屈宋紛紛、催別賦、不堪江館到疎砧、

橘菴限韻爲張詞臣賦

棲烟濯露自成園、秋到柴門絡緯喧、抱膝此間容嘯傲、去人已遠足丘樊、深花爲客開空谷、濁酒呼

鄰過短垣戶外江天橫萬里好因風雨護龍根

酬藥生使君九日遣吏人送酒兼憶同社諸

子

邗溝楊柳接芙蓉煙雨荒臺別緒重到鴈吏傳萸
社酒懷人秋度海陵鐘寒城菊放喧吹帽官閣燈
青想聽蛩蓬跡自憐辭桂樹小山正有八公從

寄懷孝威

高空漠漠野雲涼望遠懷君當故鄉別在秋燈人
似夢書來水驛菊如霜論文不隔加餐字得句長

思載酒堂爲報平山衰草路也兼風雨度重陽
重九前一日雨中社集同蒼舒清瑟達旨

金銅一涕老吾儕暮草含凄綠上階晉代衣冠存
白社隋堤風雨妬青鞋茶瓜晝永談勝酒瓢笠人
過秋滿齋幽興不辭隨地愜無家安問木蘭柴

又贈林蒼舒同年

鴈塔當年把臂登姓名猶護碧紗層藏身大地移
丹壑失路浮名弔剡藤舉世夢沉千日酒一龕清
勝九華燈此宵細雨空堦後漸解人間有惠能

重九後一日姜如農招同羅訥菴曹惕乾園

亭讌集限纏字韻

虛堂燈火菊花天何處衣香一粲然人似賓鴻來
萬里月當秋霽發孤妍頻澆醺醪憐金盡醉典袞
裝作錦纏如農僧裝有麗人行酒莫近璫簫聞玉樹恐令清
淚濕芳筵

其二

黃鵠分飛繭北天幾年音夢各茫然相看蓬鬢風
煙老暫遣花愁月露妍過雨蛩喧金屈戌逐香蝶

繞繡行纏深燈薄醉嫌催騎雄辯纔聞起四筵

如農將返真州以詩見貽和答二首

天涯羈鳥共晨風送客愁多較送窮黃葉夢寒如
塞北黑頭人在愧江東九關豺虎今何往一別河
山事不同執手小橋君記否幾年衰草暮雲中

其二

曾排閭闔大名垂蠅附逢干獄草悲烽火忽成岐
路客冰霜翻羨貫城時花迷故國愁難到日落河
梁怨自知隋苑柳殘人又去旅鴻無策解相思

和答吳陵諸同社贈別四首

早鴻過盡賦離觴
岸草無言老夕陽
坐滿月痕人近遠
行逢酒債事尋常
柳絲牽夢風前蝶
葉影橫燈渡口
航長跪素書開
玉案新愁略報兩三行

其二

晉代風流侈竹林
爲憐阮籍路窮心
生逢離亂人難老
交合清狂晚倍深
別酒冷飛黃菊雨
寒峰遙送草蟲音
銷魂步步芙蓉水
興到難忘櫂雪尋

其二

畫樓何代月中簫殘荻霜迴百尺潮目斷野雲連
海碧秋歸落葉與人遙千山寄憶憑雙鯉一路緣
花到六橋北固江山還似昔可容隔岸晚鐘招

其四

秋盡垂楊未減青孤舫搖醉不須醒煙中歷歷過
江樹天畔勞勞送客亭橘社晚吟花是驛筠牀南
去翠爲屏遙知舊雨重經處斜月疎煙滿畫櫺

和答夏圻父卽送之海陵

彈鋏星逢客倍親椒蘭有謂不關人陰何盡讓清

言席顧陸猶扶大雅輪霜重鴈催橫海角燈深鬼
避送窮文秋光正好吳陵道諸子梁園玉案新

其二

如此天涯不可親何來雙屐最憐人愁中煙雨秋
畝枕世上文章老斲輪珊架頗供徐孝穆宮鬟莫
記沈休文因題偕隱堅幽尚閉戶香奩意氣新

周臺公招同清瑟楚玉文漪游竹林寺與箬
菴上人清談竟日始歸

穿林踏葉一方來絕頂江天亦快哉萬壑風煙閒

處聚六朝花竹老僧栽行逢石棧如猿引坐到斜
陽讓鳥回玉版飽參香積去孤雲迴望白成堆

同達旨楚玉清瑟文漪登銀山絕頂

六時鐘磬上方尊眼底羣峰石虎蹲貝葉樓纔平
嶺路松巔鳥欲下天門雲圍鴛鴦青成市日冷鯨
波白射村峭徑百盤孤絕處支筇猶擬問真源

偕善持君至山半西來精舍同賦

檀欒風日正蕭然捫石來參玉版禪地許散花人
一到鐘依落葉響紛傳五丁斧闢珠林敞萬宇蓮

青舌本圓戰伐孫劉江水逝眉峰青到亂山前

劉藥生自吳陵守擢潁川觀察

曾看小隊踏春回又報天中畫戟開
明月幕仍懸桂樹美人情易到
官梅單車爭見携琴出大內行
聞賜鉞來折柳也應誇盛事樽前
無數建安才

其二

一函秋水呂虔刀宰相家聲起鳳毛
書出蘭臺盈乘載嘯清蓮幕逼天高
風前對客揮銀管花底論兵被錦袍
漢代潁川成故事况兼詞賦擬王褒

丹陽舟中值顧赤方是夜復別去紀贈四首
吳船楚語隔中流招手相看續舊游多難感君期
我死亦方集中有弔余與書持君殉難詩著書空老益人愁香薰袖
草三更月酒滴離雲百里舟落日金閨遲客屐座
中詞賦倚應劉

其二

遼鶴驚回亂後天逢人重數別離前兵戈憔悴空
三戶音夢猜疑近十年名士渡江推洗馬窮塗握
手當啼鵲滔滔楚澤芝蘭盡屈宋于今倍可憐憶楚

中諸
子也

其三

寒馳野棘蔓長楊帝子樓臺暮雨荒鴻爪雙飛迷
故國龍門一涕照河梁當時我自憐鸚鵡舉世今
誰問鸛鷀王粲離鄉名轉盛多情猶說蔡中郎

其四

聚散緣奇不易謀此宵燈火竟千秋一牀海上慚
龍腹三絕人間識虎頭對客調難操白雪關心夢
每到黃州玄亭酒盡侯芭遠多少江山冷竹樓

爲王

千雲彖中
雪雨孝廉

如須邀同秋岳頴侯赤方半塘舟中限韻二

首

叔夜風流許重攀飄零詞賦起江關明燈夢續玄
水酒舊兩人逢故國山秋盡臯橋龍自臥雲陰碣
石鴈俱還聞箏顧曲輸年少畫角聲中老客顏
冬與如須頴侯秋岳
頻集密之長安邸寓

其二

亂離猶喜賦靈光黃鵠風高淚幾行擊筑音難忘

易水過江湖已咽錢塘吳宮金粉樽前出漢苑銅
駝別後荒誰唱烏棲城上曲蘇臺一夜月如霜

人日和少陵同秋岳賦

千門花月春初轉雙鬢江湖短自看人意漸隨芳
墅暖日光猶滯早梅寒鏡筵橫海聲交沸兄弟開
樽淚一彈詠就草堂須共論年年長路寄詩難

初春集陳閤如新齋卽席同朱雲子望子家
仲孝緒限韻

勝日風光故里均杜陵無用話歸秦且將酩酊酬

茶苦漸覺年華老桂辛一座歌行名士酒七香車
擁麗人輪館娃宮畔傷心月又爲江南照早春

穀日雲子以新詩見贈再疊前韻

草玄名與子雲均著論還應哂劇秦杜宇江山重
建子蓼蟲身世漸忘辛風華一代推連璧月旦千
秋奉斲輪車馬熟遊吾自厭吳山薇蕨好行春

三疊前韻答望子

詞塲鵲起鴈行均漢室書傳大小秦蘭圃燈明宵
近午椒花俗古味長辛披圖興欲橫雙屐

望子熟
精長康

之摩壘愁難反隻輪一曲清歌人坐廢樽前物色
滿陽春

道公招飲虎丘以百史壁間韻索和歸來薄
醉率爾成篇正使百史見之當笑狂奴故
態也

春陰初覆雨花壇石虎高凌絕壑寒入社攢眉容
栗里圍爐饒舌笑豐干松房雪欲停迴棹梅驛書
應勸掛冠共喜燈前煨芋熟不知何客五雲端
元夕風雨雲子貽詩見懷四疊前韻奉答

青燈竹屋暮寒均。羈旅無書可上秦。朱丹窮經猶
寂寞。嗣宗行路只艱辛。雨深却憶人孤館。梅淺難
消月一輪。玉案有情停去舫。五湖已遍蕙蘭春。

五疊前韻贈雲子

獨宣金石美。常均魯璧淵。淵歷幾秦篇。接混茫凌
大曆。世經草昧想高辛。停雲字好鯨爲織。奏技心
工蝨似輪。乘興莫辭同勝賞。望中煙草似臨春。

和答道公見贈之什

蒼蘊香聞舊講壇。生公妙偈未應寒。高齋夜榻春

堪續世態秋雲懶更看雨暗梅林開白社鶴歸烟
海誤黃冠空山亂定客支許彈盡滄桑一指端

再用前韻酬道公兼懷百史

相逢車笠喜同壇青眼能容范叔寒誰到珠林吟
白雪迴如清廟立朱干未馴嬾僻嵇康牘竟笑紛
紜貢禹冠南望應憐春色好酒狂生事已更端

道公訂同秋岳過山中雨阻不果以詩見訊
依韻和答

初地相期把袂遊春陰一夕改清秋火深竹屋寒

香老雲暗梅堂野色幽白雪到門驚鮑謝青林開
徑待羊求何當日麗生公石同訪空山第一流

雨中泛舟看花因至道公方丈仍用前韻

乘興真成訪戴游憑高煙景澹如秋半塘花送蓬
窓濕一寺鐘含蘚樹幽齋日筍蔬欣共飽餘生瓢
笠我何求輕舟不惜頻來往滄海滔滔正急流

白樵菴看梅兼贈關主閭照上人

青林過雨石橋斜鷗槳晴搖當鹿車閨歲柳遲春
餞臘時正月
晦日也幽局人借客看花亂離拈栢雲相守

步屨林塘興未涯生計轉慚靈運拙十年閉戶已
無家

秋岳湖上見待踰期少日輒有寄訊之作相
見垂示和答四章

春潮銜舫約前溪到日湖鶯取次啼宋玉宅移煙

草合

時過秋岳
橋李舊居

夫椒國破壘雲低江山事濶煩詞

藻歌舞人來散鼓鼙歡聚倒樽從爛熳頻年噩夢
黯重題

其二

銀戈東望海霞平一舸晴沙急晚征星日大名推
左馬登臨餘興詆公卿五湖放逐同車騎二月風
花捲旆旌咫尺龍腥吹驟雨匣中雄劍已先鳴

其三

齋厨玉雪淨花天肥報春園筍蕨偏月黑山鐘孤
客寺雨深簾火隔湖船驪珠抱彩搖中夜隼翻搏
秋起壯年每訝句成工獨步鮑家風采萬人前

其四

戍旗遙拒越東軍花鳥橫江羽騎分南渡河山名

卷之十
詩集
一
將甲、西陵松柏美人墳、雙鷗侶洽、趨春水、九市塵
高限白雲愁、重休文、應暫減、隔牆琴酒共斜曛

西湖泛舟卽事

花時載酒雪濤肥、桂櫂風高暮卷衣、霧被遠峯晴
月正、春薰沙草旅鴻歸、樓臺倒射燈千嶂、劍鏃平
消柳十圍、勝賞肯隨簫鼓歇、錢塘烽火一年稀

其二

六橋煙草古臨安、百戰山容倚醉看、春寺虹霞連
海甸、冬青雷雨失衣冠、牙檣香散林鶯出、金鼓雲

埋石馬寒不信蒼茫人代隔星河欲動五更湍